

Iván Rodríguez Jiménez, secretario do Xurado Provincial de clasificación de montes veciñais en man común de Ourense

CERTIFICO:

Que na sesión do **7 de novembro de 2018** o Xurado adoptou, entre outros, o seguinte acordo:

IV.- No que respecta o expediente de clasificación como veciñal en man común do monte denominado “Ampliación da Veiga e Campo de Sas”, a favor da CMVMC da parroquia de Sas de Penelas, no Concello de Castro Caldelas, os representantes do monte non compareceron.

O Xurado, revisada a documentación que consta no expediente acordou a clasificación do monte, unha vez publicado polo Concello o edicto do inicio da clasificación como monte veciñal en man común polo período dun mes sen que se presentasen alegacións, publicado tamén o edito no DOG e recibida a certificación do Rexistro da Propiedade.

E para que conste, aos efectos oportunos, expido a presente en Ourense a sete de xuño de dous mil dezanove.

Vº. e prace

O Presidente do Xurado

Yago Borrajo Sánchez



VI. ANUNCIOS**A) ADMINISTRACIÓN AUTONÓMICA****CONSELLERÍA DO MEDIO RURAL**

EDICTO do 18 de marzo de 2019, do Xurado Provincial de Clasificación de Montes Veciñais en Man Común de Ourense, polo que se publica a resolución do expediente de clasificación como veciñal en man común do monte denominado Ampliación da Veiga e Campo de Sas a favor dos veciños da Comunidade de Montes Veciñais en Man Común da parroquia de Sas de Penelas (San Fiz), no concello de Castro Caldelas (Ourense).

En cumprimento do disposto no artigo 28 do Regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, e de conformidade co disposto no artigo 45 da Lei 39/2015, do 1 de outubro, do procedemento administrativo común das administracións públicas, faise público que o Xurado Provincial de Clasificación de Montes Veciñais en Man Común de Ourense, en sesión que tivo lugar o 7 de novembro de 2018, adoptou a seguinte resolución:

«Examinado o expediente de clasificación como veciñal en man común do monte denominado Ampliación da Veiga e Campo de Sas a favor dos veciños da CMVMC da parroquia de Sas de Penelas (San Fiz), no concello de Castro Caldelas (Ourense), resultan os seguintes feitos:

Primeiro. Con data do 7 de abril de 2015 tivo entrada no rexistro da Xefatura Territorial da Consellería do Medio Rural un escrito dirixido ao Xurado Provincial de Clasificación de Montes Veciñais en Man Común de Ricardo Gómez Baldonado, en que solicita a clasificación como veciñal en man común de varias parcelas denominadas Ampliación da Veiga e Campo de Sas.

Segundo. Con data do 21 de febreiro de 2018, o Xurado Provincial acorda iniciar o expediente de clasificación como veciñal en man común do referido monte, designando instrutor e realizando as comunicacións e publicacións a que fan referencia os artigos 20, 21 e 23 do Regulamento para a execución da Lei 13/1989, do 10 de outubro, de montes veciñais en man común, aprobado polo Decreto 260/1992, do 4 de setembro, e abriuse un período dun mes para a práctica de alegacións.



Terceiro. No prazo concedido para a práctica de alegacións non consta que se presentase ningunha.

Cuarto. O monte obxecto de clasificación, de acordo coa documentación que consta no expediente, descríbese así:

Nome do monte: Ampliación da Veiga e Campo de Sas.

Superficie: 1,38 ha.

Pertenza: CMVMC da parroquia de Sas de Penelas (San Fiz).

Concello: Castro Caldelas.

Descrición das parcelas que constitúen o monte:

Predio nº 1: O Campo (porción ao norte do camiño catastrado como parcela 9002, polígono 32).

Parcelas catastrais que comprende e superficies:

Concello	Polígono	Parcela	Sup. catastral	Sup. en clasificación
Castro Caldelas	32	1	5.863 m ²	5.863 m ²

Estremas:

a) Perímetro exterior:

Norte:

Concello	Polígono	Parcelas
Castro Caldelas	32	2-5-6-7-495

Leste:

Concello	Polígono	Parcela	Observacións
Castro Caldelas	32	9002	Camiño



Sur:

Concello	Polígono	Parcelas
Castro Caldelas	32	113-114

Oeste:

Concello	Polígono	Parcelas
Castro Caldelas	32	114-108

a) Perímetro interior (encravados):

Non existen.

Predio nº 2: O Campo (porción ao sur do camiño catastrado como parcela 9002, polígono 32).

Identifícase este terreo como unha porción da actual parcela catastral 9002 do polígono 32, do concello de Castro Caldelas.

Parcelas catastrais que comprende e superficies:

Concello	Polígono	Parcela	Sup. catastral	Sup. en clasificación
Castro Caldelas	32	9002	2.971 m ²	439 m

Estremas:

a) Perímetro exterior:

Norte e oeste:

Concello	Polígono	Parcela	Observacións
Castro Caldelas	32	9002	Resto do camiño

Leste:

Concello	Polígono	Parcela
Castro Caldelas	32	325



Sur:

Concello	Polígono	Parcelas
Castro Caldelas	32	325-327-328-329-330

a) Perímetro interior (encravados):

Non existen.

Predio nº 3: A Veiga ou O Barreiro (na documentación úsanse as dúas denominacións).

Parcelas catastrais que comprende e superficies:

Concello	Polígono	Parcela	Sup. catastral	Sup. en clasificación
Castro Caldelas	40	242	7.517 m ²	7.517 m ²

Estremas:

a) Perímetro exterior:

Norte:

Concello	Polígono	Parcelas
Castro Caldelas	40	6-7-23-21-238-29-37-262-38-39-40-43-42-45-46-52-53-54

Leste e oeste.

Regato.

Sur.

Regato de Sas de Penelas e límite municipal Castro Caldelas-San Xoán de Río.

a) Perímetro interior (encravados):

Non existen.

Fundamentos de dereito:

Primeiro. O Xurado Provincial de Clasificación de Montes Veciñais en Man Común é o órgano competente para coñecer os expedientes de clasificación dos montes que teñan tal



carácter, de acordo co establecido no artigo 9 da Lei 13/1989, do 10 de outubro, de montes veciñais en man común.

Segundo. De conformidade co disposto no artigo 1 da devandita lei “son montes veciñais en man común... os que, con independencia da súa orixe, as súas posibilidades produtivas, o seu aproveitamento actual e a súa vocación agraria, pertencen a agrupacións veciñais na súa calidade de grupos sociais e non como entidades administrativas, e se veñan aproveitando consuetudinariamente en réxime de comunidade sen asignación de cotas polos membros daquelas na súa condición de veciños”.

Terceiro. É reiterada doutrina da Sala do Contencioso-Administrativo do Tribunal Supremo que son dúas as notas características dos montes veciñais en man común: unha, o aproveitamento consuetudinario en man común, e outra, a atribución da titularidade dese aproveitamento aos veciños integrantes dun grupo social determinado, independentemente da súa cualificación ou non como entidade administrativa, correspondendo constatar o aproveitamento e atribuír a titularidade a favor do grupo social que o veña gozando ao xurado provincial de clasificación.

Cuarto. O carácter de monte veciñal en man común tense acreditado mediante as testemuñas dos veciños solicitantes, as actuacións realizadas polo servizo de Montes, e a documentación que consta no expediente.

En consecuencia co que antecede, examinada a Lei 13/1989, do 10 de outubro, de montes veciñais en man común, o seu Regulamento, aprobado polo Decreto 260/1992, do 4 de setembro, o Decreto 166/2015, do 13 de novembro, polo que se establece a estrutura orgánica da Consellería do Medio Rural, e demais normativa legal e regulamentaria, o Xurado Provincial, por unanimidade dos seus membros,

RESOLVE:

Clasificar como monte veciñal en man común o monte denominado Ampliación da Veiga e Campo de Sas a favor dos veciños da CMVMC da parroquia de Sas de Penelas (San Fiz), no concello de Castro Caldelas (Ourense), de acordo coa descrición realizada no feito cuarto.

Contra esta resolución, que pon fin a vía administrativa, poderase interpoñer recurso potestativo de reposición perante o Xurado Provincial de Clasificación de Montes Veciñais en Man Común de Ourense no prazo dun mes, ou ben directamente recurso contencioso-administrativo perante o Xulgado do Contencioso-Administrativo de Ourense, no prazo



de dous meses contados desde o día seguinte ao desta notificación, de acordo co disposto no artigo 12 da citada Lei 13/1989, nos artigos 123 e 124 da Lei 39/2015, do 1 de outubro, do procedemento administrativo común das administracións públicas, e nos artigos 8 e 46 da Lei 29/1998, do 13 de xullo, reguladora da xurisdición contencioso-administrativa».

Ourense, 18 de marzo de 2019

Yago Borrajo Sánchez
Presidente do Xurado Provincial de Clasificación de Montes Veciñais
en Man Común de Ourense

CVE-DOG: 5v46ylj6-bqf9-slq4-up30-e5huiv8sar72



PARCELAS RESULTANTES
DESLINDE MUNICIPAL (I.G.N.)
DESLINDE CATASTRAL (mojones)

SIMBOLOGÍA


- Marcos IGN
- Mojones
- Límite municipal DOGA/IGN
- Límite municipal catastral
- ▨ PARCELAS DESLINDADAS



Escala 1:2.500

0 40 80
Meters

Sistema de Coordenadas: ETRS 1989 UTM Zone 29N
Proyección: Transverse Mercator
Datum: ETRS 1989



Polg.: 032
Parc.: N 5
Sup.: 5863 m²

Polg.: 032
Parc.: N 6
Sup.: 439 m²

Polg.: 040
Parc.: N 4
Sup.: 9231 m²

Polg.: 042
Parc.: N 2
Sup.: 109442 m²

Polg.: 040
Parc.: N 7
Sup.: 7517 m²

DOGA/IGN